

嘉業堂
叢書

金石錄

第八冊

K8
4

金石錄卷之二十九

唐跋尾十九

唐義興縣重修茶舍記

唐昭義軍節度使王虔休碑

唐顏杲卿碑

唐乘廣禪師碑

唐般舟和尚碑

唐韓退之題名

唐國子助教薛公達墓誌

唐虞城令李公去思頌

唐贈吏部尚書武就碑

唐彌陀和尚碑

唐魏博田緒遺愛碑

唐右僕射裴耀卿碑

唐劉統軍碑

唐興元節度使裴玢碑

唐贈司空于萑碑

唐左常侍薛萃碑

唐呂元膺碑

唐檢校太子少保田公碑

唐昭義軍節度使辛秘碑

唐黃陵廟碑

唐贈太保李良臣碑

唐絳守居園池記

唐柳州井銘

唐澠州刺史高公德政碑

唐西平王李晟碑

唐烏重胤碑

唐李祐墓誌

唐令狐公先廟碑

唐殿中侍御史韋翊墓誌

唐義興縣重修茶舍記

右唐義興縣重修茶舍記云義興貢茶非舊也口前此故御史大夫李栖筠實典是邦山僧有獻佳茗者會客嘗之野人陸羽以爲芬香甘癖冠於它境可薦於上栖筠從之始進萬兩此其濫觴也厥後因之徵獻寢廣遂爲任土之貢與常職之邦侔矣每歲選匠徵夫至二千

餘人云余嘗謂後世士大夫區區以口腹玩好之獻爲愛君此與宦官宮妾之見無異而其貽患百姓有不可勝言者如貢茶至末事也而調發之擾猶如此況其甚者乎羽蓋不足道於乎孰謂栖筠之賢而爲此乎書之可爲後來之戒且以見唐世義興貢茶自羽與栖筠始也

唐昭義軍節度使王虔休碑

右唐昭義軍節度使王公碑其名已殘缺以事考之蓋王虔休也與唐書列傳所載官爵行治多同惟碑云贈

三の九
右僕射傳爲左僕射小失不足道而碑與傳皆云虔休
汝州梁縣人元和姓纂以爲范陽人非也

唐顏杲卿碑

右唐顏杲卿碑真卿撰元和中舊石刊缺其甥盧佐元
重書而刻之舊唐史言杲卿既殺蔣欽湊等(玄)宗知之
加杲卿衛尉卿兼御史大夫以袁履謙爲常山太守杲
卿爲司馬今以碑考之乃進兼中丞追赴京而以賈深
爲司馬新史所書亦同蓋舊史之謬碑又言公初被害
懸首於右金吾街樹有張湊者收其髮謁(玄)宗俄見夢

云禦捍處多兵馬少_立宗哭而設祭焉後湊以髮至夫人疑之憑牀而哭忽聞聲如鞭牀者髮箱跳而前夫人方駭信之其事甚怪而舊史不書新史所載亦簡略臬卿忠義之節貫金石其死宜不昧而魯公之語可信無疑故盡錄其事於此

唐乘廣禪師碑

右唐乘廣禪師碑劉禹錫撰初余爲金石錄頗以唐賢所爲碑板正文集之誤禹錫之文所錄才數篇最後得此碑以校集本是正者凡數十字以此知典籍歲久轉

寫脫誤可勝數哉

唐般舟和尚碑

右唐般舟和尚碑柳宗元撰并書子厚頗自矜其書然亦不甚工今見于世者惟此與彌陀和尚碑爾雖字畫小大不同然筆法絕相似歐陽公以爲不類又疑他人借子厚之名者非也

唐韓退之題名

右唐韓退之題名在嵩山天封觀柱蓋退之自書又一本與石洪等題名在洛陽福先寺乃同遊者所書爾世

閒又有退之與大顛書乃國初一學佛者僞作而歐陽
公集古錄以爲非僞永叔平生爲文宗師退之且力詆
釋氏而獨信此書何哉

唐國子助教薛公達墓誌

右唐薛公達墓誌韓退之撰以昌黎集本校之頗不同
皆當以石本爲是今略舉數處集本云曾祖曰希莊父
曰播而闕其祖石本乃云祖曰元暉果州流溪縣丞贈
左散騎常侍集本云君執弓腰二矢挾一矢而興而石
本作指一矢以興集本云遺言曰以公儀之子爲己後

而石本作以公儀之子己已後我蓋其小字也如此類甚眾略舉數處要知石刻可貴爾

唐虞城令李公去思頌

右唐虞城令李公去思頌李白撰王適書碑側題云元和四年二月重篆蓋適不與白同時此碑後來追建爾歐陽公集古錄云適在陽冰前者誤也

唐贈吏部尙書武就碑

右唐武就碑就元衡父也元和姓纂載平一四子集備就登備生元衡今此碑與唐書宰相世系表皆以元衡

爲就子姓纂元和中修是時元衡爲宰相不應差其世
次豈余家所藏本偶爾脫誤乎當俟別本校正

唐彌陀和尚碑

右唐彌陀和尚碑柳宗元撰并書以集本校之不同者
十餘字皆當以碑爲正

唐魏博田緒遺愛碑

右唐魏博田緒遺愛碑裴均撰張弘靖書政和中與柳
公權所書何進滔德政碑俱爲大名尹所毀

唐右僕射裴耀卿碑

右唐裴耀卿碑許孟容撰宋次道春明退朝錄載皇祐中王沂公會之弟子融侍郎守河中還以唐明皇所題裴耀卿碑額上之

神宗遂御篆

賜沂公碑額曰旌賢今此碑元和中立文與額皆歸登書非明皇所題疑子融所上乃明皇書裴光庭碑爾耀卿光庭二碑皆在絳州也又按新唐史列傳云耀卿字煥之宰相世系表作渙之而碑乃字子渙傳云耀卿守真次子而碑乃第三子皆史家之謬

唐劉統軍碑

右唐劉統軍碑字畫雖殘缺猶歷歷可辨以昌黎集本校之時有異同皆當以碑爲是惟敘其世系不同則疑碑之誤集本云公會祖考爲朔州守祖令太原再世北邊樂其高寒棄楚不還逮於公身三世晉人而墓誌亦云曾大父諱承慶朔州刺史大父巨敖爲太原晉陽令遂著籍太原之陽曲今此碑乃云考令太原又云再世晉人且碑旣言陽曲之別繇公祖遷則其爲晉人非再世明矣余故曰石本誤也碑當時所立其諸子皆在不

應差其世次而錯謬如此莫可曉也

唐興元節度使裴玢碑

右唐裴玢碑晉公裴度撰碑已斷裂其姓氏摩滅不可識云公諱玢字連城以事考之蓋裴玢也玢元和中爲興元節度使以疾歸朝卒新舊史皆有傳舊史云五代祖疏勒國王綽武德中來朝授鷹揚大將軍天山郡公因留爲京兆人而新史乃云名糾今碑所載與舊史同不知新史何所據而改爲糾乎疑傳寫誤耳又新舊史皆云綽玢五世祖而碑云高祖亦當以碑爲正

唐贈司空于夔碑

右唐于夔碑集古錄載夔碑云盧景亮撰今此碑乃云張躬撰疑夔有兩碑景亮所撰余錄中偶無之當俟訪求

唐左常侍薛萃碑

右唐薛萃碑唐史列傳云萃父順爲奉先尉而此碑及元和姓纂皆云名順先蓋史誤

唐呂元膺碑

右唐呂元膺碑舊唐史云元膺字景文新史云字景夫

而碑乃字孟消新舊史皆云元膺自御史中丞拜岳鄂
觀察使而碑乃爲岳鄂觀察兼中丞爾其卒也舊史云
謚曰憲而碑作獻皆當以碑爲據

唐檢校太子少保田公碑

右唐檢校太子少保田公碑李宗閔撰文字殘缺以事
考之蓋田弘正之兄融碑也弘正帥魏博詔以融爲相
州刺史使之相近唐史稱弘正幼孤事融甚謹軍中嘗
分曹習射弘正聯中融怒退扶之故當田季安猜暴時
能自全及爲軍中推迫融不悅曰爾竟不自悔取禍之

道也其後弘正與其子布皆被禍如融言融兄弟父子出於軍旅其智略皆過人如弘正布之忠義融之先見真一代豪傑也碑爲篆字題嵩山布衣書而名姓磨滅不可識其筆跡頗佳

唐昭義軍節度使辛秘碑

右唐辛秘碑與新唐史所載事跡大略皆同惟碑與舊史皆云登五經開元禮科而新史云舉明經碑云其卒贈右僕射而新舊史皆作左僕射爾又舊史云諡曰昭而新史云諡曰肅後更諡懿碑不載其諡莫知孰是也

唐黃陵廟碑

右唐黃陵廟碑碑四面皆有字今其兩面字多處已磨滅不可讀此本蓋七八十年前舊物字畫完好可寶也今世所傳退之集多爲人妄加讐校而此碑人家尙時有之故訛謬爲少然退之自潮移袁入爲國子祭酒實三年而碑云三十年蓋書碑者誤爾

唐贈太保李良臣碑

右唐李良臣碑良臣李光顏之父也碑李宗閔撰文詞爾雅可喜宗閔牛僧孺皆一代奇才而自陷朋黨惜哉

唐絳守居園池記

右唐絳守居園池記樊宗師撰昔之爲文者雖務爲新語然未嘗有意於求奇也宗師之文乃故爲險怪必使人不可曉而後已此豈作者之體哉

唐柳州井銘

右唐柳州井銘柳宗元撰沈傳師書字畫頗不工疑後人僞爲然以子厚集本校之不同者數字此本爲善又恐工人摹刻不甚精好爾更俟識者辨之

唐澠州刺史高公德政碑

右唐潞州刺史高德政碑王起撰按唐書地里志元和十二年以鄆城上蔡西平遂平四縣置潞州長慶元年州廢今碑後題長慶而其下缺殘當爲元年蓋是年州遂廢矣高公者名承簡崇文之子爲裴度牙將後至邠甯節度唐史有傳

唐西平王李晟碑

右唐李晟碑裴度撰碑載西平子十二人愿聰摠悉憲恕憲懋懿聽基愨唐史宰相世系表所書亦同而新舊史列傳皆云晟有十五子舊史云侗侑偕無祿蚤世豈

以侗等蚤世故碑不載歟又李石撰李聽碑云西平有子十六人疑更有未名而卒者爾元和姓纂載西平子十人以碑校之姓纂缺聰摠憑懿四人而怵應二子墓碑舊史皆無之又其倫次差謬亦當以碑爲正

唐烏重脩碑

右唐烏重脩碑新唐史列傳云重脩爲橫海節度使討王廷湊久不進兵穆宗以爲觀望詔杜叔良代之以重脩爲太子太保長慶末以檢校司徒同中書門下平章事爲山南西道節度使召至京師改節天平軍文宗初

眞拜司徒今以碑考之重肩爲橫海節度也長慶元年徙爲山南西道周歲徵入改天平軍四年就拜太子太保文宗踐極眞拜門下平章事頃之同中書爲司徒餘如故蓋重肩之罷橫海卽移鎮興元未嘗拜太子太保而其爲太保實帥天平又其帥興元時未嘗兼宰相至文宗卽位乃拜爾舊史與文宗實錄所書略同皆可以正新史之失

唐李祐墓誌

右唐李祐墓誌庾敬休撰新唐書列傳云李祐爲夏綏

銀節度使徙涇原討李同捷也改滄德景節度累遷檢
校尚書左僕射董重質之貶未幾轉太子少詹事隸武
備軍遷左神武將軍累擢左右神策行營劍南西川節
度復云歷帥夏綏銀終右龍武統軍贈尚書右僕射其
所書首尾顛倒今以墓誌考之祐以平蔡功超授左神
武將軍從徐州李愬平李師道遷左金吾衛將軍帥綏
銀夏遷戶部尚書兼左金吾衛大將軍遂爲齊德滄景
等州節度使以卒其所歷官止此矣蓋未嘗爲少詹事
帥涇原領劍南節制也不知史何所依據又誌云卒於

滄景而傳言終龍武統軍誌云贈司徒而傳言贈僕射亦當以誌爲是祐之爲吳元濟將也據李愬傳言吳秀琳之降爲愬策曰必破賊非李祐不可祐賊健將也守興橋柵其戰常易官軍愬候祐穫于野遣史用誠以壯騎三百伏其傍祐果輕出遂爲所禽今誌乃言祐潛布款誠於愬且曰某以某日歸命其就執也願得傷一支以爲解不然妻子之在賊城無遺類矣愬許之洎至唐州同執者十二人命斬於牙門外次至祐大叫謂愬曰公背初約耶今淮蔡未平不宜誅壯士愬乃釋之自取

藥封其臂分衣服飲食與語終日卽署爲都知兵馬使
二說不同未知孰是也

唐令狐公先廟碑

右唐令狐公先廟碑劉禹錫撰集本云躬若奉盈而碑
本躬作躬按史記周公世家云躬躬然如畏徐廣曰躬
躬謹敬貌也出三蒼後人不知躬字所出遂改爲躬誤
矣其他異同尙多不盡錄也

唐殿中侍御史韋翊墓誌

右唐韋翊墓誌劉禹錫撰世所傳禹錫文集無此誌蓋

禹錫集本四十卷今亡其十卷墓誌皆闕非獨此一篇也翊有子詢仕爲湖南觀察使舊史有傳新史無之墓誌云翊父幼卿而傳作台卿墓誌云翊官終殿中侍御史而傳作侍御史皆非也

金石錄卷之二十九

金石錄卷之三十

跋尾二十
五代

唐義陽郡王苻璘碑

唐贈太尉王智興碑

唐丞相崔羣碑

唐何進滔德政碑

唐李聽碑

唐贈太師崔倕碑

唐相國李涼公碑

唐牛僧孺碑

唐太子太傅劉沔碑

唐醉吟先生傳并墓碑

唐贈太尉李固言碑

唐吏部尚書高元裕碑

唐贈司徒薛平碑

唐起居郎劉君碑

唐贈禮部尚書許康佐碑

唐潛溪記

唐贈司空孔岑父碑

唐千字文

唐瘞鶴銘

唐冬日陪羣公泛舟詩

唐題阮客舊居詩

唐遺教經

唐冰清琴銘

唐中書舍人王無競碑

後唐汾陽王真堂記

漢重修高祖廟碑

南唐紫極宮石磬銘

周文宣王廟記

日本國誥

唐義陽郡王苻璘碑

右唐苻璘碑按唐書列傳璘姓苻而碑作苻以姓氏書考之瑯琊苻氏出於魯頃公之後公雅爲秦符節令因以苻爲氏而武都苻氏出於有扈之後爲啟所滅奔西戎代爲氏酋本姓蒲至苻堅以背有文改焉今此碑以璘爲苻氏又云其先瑯琊人皆不可知然按璘與弟瑤

皆封邑於瑯琊豈書碑者誤以符爲苻其家出於武吏
不知是正乎

唐贈太尉王智興碑

右唐王智興碑裴晉公撰智興出於戎伍無他才能其
爲將帥雖有破李師道李峿李同捷之功然在徐州拔
扈難制逐崔羣侯弘度剽奪貢物重斂以結權倖其功
不足掩過晉公爲此碑可謂過其實矣

唐丞相崔羣碑

右唐崔羣碑裴晉公撰劉禹錫書字畫訛缺處多其可

考者羣爲武甯軍節度使檢校禮部尙書而唐史本傳作兵部其自荆南節度使召拜檢校左僕射太常卿遂爲吏部尙書以卒而傳但云召拜吏部尙書而已皆當以碑爲正羣在憲宗朝號稱賢相是時皇甫鏞方有寵羣力排其姦且爲憲宗陳開元天寶治亂所以分者其語激切然憲宗竟逐羣而相鏞夫以羣之賢憲宗之明然讒間一入且猶不免自古君臣之際能保終始者顧不難哉

唐何進滔德政碑

右唐何進滔德政碑進滔事蹟固無足取而柳公權書法爲世模楷此碑尤爲雄偉政和中大名尹建言磨去舊文別刻新製好古者爲之歎惜也

唐李聽碑

右唐李聽碑與唐史所載事蹟多同惟聽罷魏博節度使碑言爲太子太師而傳作少師小誤爾

唐贈太師崔倕碑

右唐贈太師崔倕碑據新唐史倕子邠傳云倕位吏部侍郎今以碑考之倕仕至檢校吏部郎中兼御史中丞

爾蓋傳誤也

唐相國李涼公碑

右唐李涼公碑李德裕撰文字殘缺不可盡識按新唐史列傳載石所歷官甚略其最著者嘗兼御史中丞充巡邊使又自給事中遷京兆尹史皆不載其爲荆南節度也史云讓中書侍郎換檢校兵部尙書會昌三年檢校司空徙節河東而碑云初加檢校尙書武宗承統首讓中書侍郎就遷檢校右僕射餘如故皆當以碑爲正

唐牛僧孺碑

右唐牛僧孺碑李珣撰據碑云僧孺自襄陽節度使降授太子少師遷檢校司徒兼太子太保而傳言下遷太子少保進少師碑云宣宗卽位自汝州長史遷太子少保轉少師分司東洛而史但言還爲少師亦不言其爲分司者皆史之缺誤又杜牧撰僧孺墓誌云文宗朝以中書侍郎領平章事而史作門下侍郎亦非也

唐太子太傅劉沔碑

右唐劉沔碑按舊史云沔許州牙將也少事李光顏爲帳中親將元和中討吳元濟有功隨光顏入朝憲宗留

宿衛歷三將軍鹽州刺史天德軍防禦使移振武節度使而碑乃云沔北遊至單于都護府謁節度使范希朝希朝署牙門將入右神策軍爲大將累遷大將軍拜涇原節度使移振武蓋沔初未嘗爲許州牙將從李光顏平蔡及爲鹽州刺史天德軍防禦使皆當以碑爲正至新史所書悉與碑合疑史官嘗得此碑以訂舊史之失云

唐醉吟先生傳并墓碑

右唐醉吟先生傳并墓碑舊唐史云居易以大中元年

卒年七十五而新史云卒於會昌六年年六十五今碑所書與新史合又舊史書居易拜官歲月亦多差謬不合小失不足道故不錄

唐贈太尉李固言碑

右唐李固言碑按新唐史列傳云固言自河中節度使以疾爲太子少師遷東都留守宣宗卽位遷右僕射後以太子太傅分司東都卒以碑考之其初爲東都留守數月罷以本官分司而史不書宣宗時爲僕射再遷檢校司徒東都留守而史亦不書其卒也史云年七十八

而碑云年七十六亦當以碑爲據也

唐吏部尙書高元裕碑

右唐高元裕碑據舊史元裕列傳及此碑皆云元裕祖名魁而新史宰相世系表獨作彪蓋誤

唐司徒薛平碑

右唐薛平碑據唐史列傳平爲平盧軍節度使就遷檢校右僕射封魏國公寶_麻初入朝拜檢校司空爲河中節度使進檢校司徒更封韓以碑考之自平盧拜僕射進封韓國公敬宗卽位拜檢校司空寶_麻元年朝京師

換左僕射兼戶部尙書踰月復爲檢校司空節度河中
文宗卽位就加檢校司徒蓋未嘗封于魏而敬宗時入
朝所拜官吏亦不載皆其闕誤也碑言平罷滑臺爲金
吾嘗見二神人自天執節降庭中呼曰薛平還汝舊節
公俯伏拜受及再爲滑臺以爲當之矣後爲平盧乃驗
焉其事甚怪而唐史無之豈非妄歟

唐起居郎劉君碑

右唐起居郎劉君碑劉氏世墓在彭城叢亭里紹聖閒
故陳無己學士居彭城以書抵余曰近得柳公權所書

劉君碑文字摩滅獨公權姓名三字煥然明白余因求得之碑殘缺然可識者猶十三四不忍棄故錄之

唐禮部尙書許康佐碑

右唐許康佐碑康佐事文宗爲翰林侍講學士文宗嘗讀春秋問康佐闍寺事康佐顧望不敢對後以問李訓訓遂進翦除之計康佐知帝指因稱疾罷爲兵部侍郎甘露之禍李訓實啟之其狂率固有罪然康佐以儒學侍講獨備顧問而嘿然不對至辭位而去亦可謂全軀保妻子之臣矣

唐潛溪記

右唐潛溪記杜宣猷撰潛溪者在洛陽龍門山側地有溪谷之勝舊爲宰相李藩別墅宣猷購得之加葺治焉唐史宦者傳載宣猷爲福建觀察使中官多閩人宣猷每歲時遣吏爲上冢當時號爲敕使墓戶用此除宣城夫疏泉石種樹藝艸窮登覽游觀之勝此山林獨往之士遺世棄俗者之所樂也如宣猷者區區以諂諛附會盜竊顯榮而欲擅山林獨往之樂是可笑也

唐贈司空孔岑父碑

右唐孔岑父碑鄭綱撰歐陽公集古錄云碑有子五人載戮戡戡戡按新唐書宰相世系表岑父六子戡之下有威表據孔氏家譜譜其家所載碑文鄭綱撰綱自言與孔氏有世舊作碑時戮等尙在然則譜與碑文皆不應有失而不同者何也余按韓退之爲戮墓誌云公之昆弟五人載戡戡戡公於次爲第二與綱所撰碑正合然則安得復有威乎蓋綱與退之皆當時人所書宜不謬而其家譜乃其後裔追書容有差誤不足怪也

千字文

右千字文世傳智永書非也蓋智永陳時人而此書虎字民字基字皆闕之以避唐諱乃明皇以後人所書不然筆法本出智永後來臨摹入石爾其間二十八行字畫不類蓋舊本不完國初時人爲補足之云

瘞鶴銘

右瘞鶴銘題華陽真逸撰莫詳其爲何代人歐陽公集古錄云華陽真逸顧況道號余徧檢唐史及況文集皆無此號惟況撰湖州刺史廳記自稱華陽山人爾不知歐陽公何所據也

冬日陪羣公泛舟詩

右冬日陪羣公汎舟詩在潤州瘞鶴銘傍其字畫正同蓋一人所書也題謫丹陽工曹掾而不見其名詩與書皆工然世頗罕傳

唐題阮客舊居詩

右唐題阮客舊居詩小篆書集古錄以爲陽冰作今驗其姓名乃縉雲令李蕃非陽冰也其字畫亦不工蓋陽冰於肅宗上元中嘗令縉雲其篆字石刻尙多有存者故歐陽公亦誤以此詩爲陽冰作爾

唐遺教經

右唐遺教經國初時人盛傳爲王右軍書惟歐陽公識其非是余家藏金石刻二千卷獨此經最爲舊物蓋先公進士時所蓄爾

唐冰清琴銘

右唐冰清琴銘詞翰皆不俗可喜題曰晉陵子而不著名氏豈非隱者歟琴藏太常寺協律郎陳沂家沂死納于壙中云

唐中書舍人王無競碑

右唐王無競碑無競事迹附見唐書陳子昂傳後以碑考傳頗不合傳言自殿中侍御史徙太子舍人神龍初出爲蘇州司馬貶廣州仇家矯制榜殺之而碑言爲中書舍人卒傳言坐與張易之等交往貶而碑云兩張弄權九有蕩析公黜而無愠皆莫知其孰是據碑言無競無子孫權知萊州刺史姚泐爲買石立碑去無競之歿已遠事得於傳聞未足盡信也無競東萊人墓在掖縣界中云

後唐汾陽王眞堂記

右後唐汾陽王真堂記李鶚書鶚五代時仕爲國子丞
九經印板多其所書前輩頗貴重之余後得此記其筆
法蓋出歐陽率更然窘于法度而韻不能高非名筆也

漢重修高祖廟碑

右漢重修高祖廟碑郭忠恕八分書余年十七入時已
喜收蓄前代石刻故正字陳無己徐人爲予言豐縣有
此碑託人訪求後數年乃得之然字畫頗輒弱余家有
忠恕八分書懷嵩樓記墨跡乃其暮年所書筆力老勁
非此碑之比亦嘗刻石今錄於此

南唐紫極宮石磬銘

右南唐紫極宮石磬銘徐鍇撰并小篆書鍇與其兄鉉在江南以文翰著名王師南征鍇卒於圍城中鉉隨後主歸朝貴顯以壽終歐陽公集古錄云宋興違命侯來朝二徐皆得爲王臣者誤矣

周文宣王廟記

右周文宣王廟記題縣令郭忠恕撰并書按國史忠恕爲漢湘陰公從事周祖徵爲周易博士國初貶乾州司戶太宗朝復任國子主簿流登州卒不載其嘗爲縣令

也記云縣在汝水之泃嵩山之陽不知其爲何縣最後
題甲寅四月十五日建蓋周世宗顯德元年也或云此
記在汝州界中

日本國誥

右日本國誥題康保五年日本在海東自漢以來見于
史然與中國不常通宋莒公紀年通譜載其國年號九
而獨無康保其後畢仲荀見此誥錄於通譜之末然不
知康保是中國何年也余家集古今石刻凡二千卷外
國文字著錄獨此而已

金石錄卷之三十

後序

東武趙明誠德父家多前代金石刻
倣歐陽公集古所論以考書傳諸家
同異訂其得失著金石錄三十卷別
白牴牾實事求是其言斤之甚可觀
也昔文籍既繁竹素紙札轉相謄寫
彌久不能無誤近世用墨版摹印便

於流布而一有所失更無別本是正
然則謄寫模印其為利害之數略相
等又前世載筆之士所見所聞與其
所傳不能無同異亦或有意軒輕情
流事遷則遁離失實後學欲窺其罅
搜抉證驗用力多見功寡此讎校之
士抱槧懷鉛所以汲々也昔人欲刊

定經典及醫方或謂經典同異未有
所傷非若醫方能致壽夭陶弘景亟
稱之以為知言彼哉卑陋一至於此
或譏邢邵不善讎書邵曰誤書思之
更是一適且別本是正猶未敢曰可
而欲以思得之其他有如此者惟金
石刻出於當時所作身與事接不容

偽妄皎々可信前人勤渠鄭重以遺
來世惟恐不遠固非以為夸而好古
之士忘寢廢食而求常恨不廣亦豈
專以為玩哉余登泰山覩秦相斯所
刻退而按史遷所記大凡百四十有
六字而差失者九字以此積之諸書
浩博其失胡可勝言而信書之人守

自所見知其違戾猶弗能深攷猥曰
是碑之誤其殆未之思乎若乃庸夫
野人所述其言雖不雅馴則望而知
之直差易耳今德父之藏既甚富又
選擇多善而探討去取雅有思致其
書誠有補於學者亟索余文為序竊
獲附姓名於篇末有可喜於是乎書

政和七年九月十日河間劉跂序

右金石錄三十卷者何趙侯德父
所著書也取上自三代下訖五季
鍾鼎甌鬲盤匱尊敦之款識豐碑
大碣顯人晦士之事蹟凡見於金
石刻者二千卷皆是正譌謬去取
褒貶上足以合聖人之道下足以
訂史氏之失者皆載之可謂多矣

鳴呼自王播元載之禍書畫與胡椒無異長輿元覲之病錢癖與傳癖何殊名雖不同其惑一也余建中辛巳始歸趙氏時先君作禮部員外郎丞相作吏部侍郎侯年二十一在太學作學生趙李族寒素貧儉每朔望謁告出質衣取半千

錢步入相國寺市碑文果實歸相
對展玩咀嚼自謂葛天氏之民也
後二年出仕宦便有飯蔬衣練窮
遐方絕域盡天下古文奇字之志
日就月將漸益堆積丞相居政府
親舊或在館閣多有亡詩逸史魯
壁汲冢未見之書盡力傳寫浸覺

有味不能自己後或見古今名人
書畫三代奇器亦復脫衣市易嘗
記崇寧閒有人持徐熙牡丹圖求
錢二十萬當時雖貴家子弟求二
十萬錢豈易得耶留信宿計無所
出而還之夫婦相向惋悵者數日
後屏居鄉里仰取俯拾衣食有餘

連守兩郡竭其俸入以事鉛槧每
獲一書即同共校勘整集籤題得
書畫彝鼎亦摩玩舒卷指摘疵病
夜盡一燭為率故能紙札精緻字
畫完整冠諸收書家余性偶強記
每飭罷坐歸來堂烹茶指堆積書
史言某事在某書某卷第幾葉子

第幾行以中否角勝負為飲茶先
後中即舉盃大笑至茶傾覆懷中
不得飲而起甘心老是鄉矣故雖
處憂患困窮而志不屈收書既成
歸來堂起書庫大櫥簿甲乙置書
冊如要講讀即請鑰上簿關卷帙
或少損污必徵責楷完塗改不復

向時之坦夷也是欲求適意而反
取慆慆余性不耐始謀食去重肉
衣去重采首無明珠翡翠之飾室
無塗金刺繡之具遇書史百家字
不刊缺本不訛謬者輒市之儲作
副本自來家傳周易左氏傳故兩
家者流文字最備于是凡按羅列

枕籍意會心謀目往神授樂在色
聲狗馬之上至靖康丙午歲侯守
淄川聞金人犯京師四顧茫然盈
箱溢篋且戀々且悵々知其必不
為己物矣建炎丁未春三月犇太
夫人喪南來既長物不能盡載迺
先去書之重大印本者又去畫多

幅者又去古器之無款識者後又
去書之監本者畫之平常者器之
重大者凡屢減去尚載書十五車
至東海連鱸渡淮又渡江之建康
青州故第尚鎖書冊什物用屋十
餘閒期明年春再具舟載之十二
月金人陷青州凡所謂十餘屋者

後居
已皆為煨燼矣建炎戊申秋九月
侯起復知建康府己酉春二月罷
具舟上蕪湖入姑孰將卜居贛水
上夏五月至池陽被

旨知湖州過 闕上殿遂駐家池
陽獨赴 召六月十三日始負擔
捨舟岸上葛衣岸巾精神如虎目

光爛之射人望舟中告別余意甚
惡呼曰如傳聞城中或緩急奈何
戟手遙應曰從衆必不得已先棄
輜重次衣被次書冊卷軸次古器
獨所謂宗器者可自負抱與身俱
存亡勿忘之遂馳馬去塗中奔馳
冒大暑感疾至行在病疴七月

未書報卧病余驚怛念侯性素急
奈何病痞或熱必服寒藥復可憂
遂解舟下一日夜行三百里比至
果大服柴胡黃芩藥瘡且痢危在
膏肓余悲極倉皇不忍問後事八
月十八日遂不起取筆作詩絕筆
而終殊無分香賣屨之戀葬畢余

無所之 朝廷已分遣 六宮又
傳江當禁渡時猶有書二萬卷金石
刻二千卷器皿茵褥可待百客他
長物稱是且又大病僅存喘息事
勢日迫念侯有妹婿任兵部侍郎
從衛在洪州遂遣二故吏先部送
行李往投之冬十二月金人陷洪

州遂盡委棄所謂連艦渡江之書
又散為雲烟矣獨余餘少輕小卷
軸書帖寫本李杜韓柳集世說鹽
鐵論漢唐石刻副本數十軸三代
鼎彝十數事南唐寫本書數篋偶
病中把玩搬在卧內者歸然獨存
上江既不可往又虜勢叵測有弟

近任 勅局刪定官遂往依之到
台守已遁之剡出陸又棄衣被
走黃巖雇舟入海犇行朝時駐驛
章安從御舟海道之溫又之越庚
戌十二月放散百官遂之衢紹興
辛亥春三月復赴越壬子赴杭先
侯疾亟時有張飛卿學士携玉壺

過視侯便携去其實珉也不知何
人傳道遂妄言有頒金之語或傳
亦有密論列者余大惶惴不敢言
亦不敢遂已盡將家中所有銅器
物欲赴外廷投進到越已 移幸
四明不敢留家中并寫本書寄刻
後官車收叛卒取去聞盡入李將

軍家所謂歸然獨存者無慮十去五六矣惟有書畫硯墨可五七簾更不忍置他所常在卧榻下手自開闔在會稽卜居土民鍾氏舍忽一夕穴壁負五簾去予悲慟不得活重立賞收贖後二日鄰人鍾復皓出十八軸求賞故知其盜不遠

矣萬計求之其餘遂牢不出今知
盡為吳說運使賤價得之所謂歸
然獨存者廼十去其七八所有一
二殘零不成部帙書冊三數種平
平書帖猶復愛惜如護頭目何愚
也耶今日忽開此書如見故人因
憶侯在東萊靜治堂裝卷初就芒

籤縹帶束十卷作一帙每日晚吏
散輒校勘二卷跋題一卷此二千
卷有題跋者五百二卷耳今手澤
如新而墓木已拱悲夫昔蕭繹江
陵陷沒不惜國亡而毀裂書畫楊
廣江都傾覆不悲身死而復取圖
書豈人性之所著生死不能忘之

歟或者天意以余菲薄不足以享
此尤物耶抑亦死者有知猶斤斤
愛惜不肯留在人間耶何得之艱
而失之易耶嗚呼余自少陸機作
賦之二年至過蘧瑗知非之兩歲
三十四年之間憂患得失何其多
也然有之必有無有聚必有散乃

理之常人亡弓人得之又何足道
尚所以區々記其終始者亦欲為
後世好古博雅者之戒云紹興二
年玄默歲壯月朔甲寅易安室題
趙德父所著金石錄鋟版於龍
舒郡齋久矣尚多脫落茲幸假
守於邦人張懷祖知縣既得郡

文學山陰王君玉是正且惜夫
易安之跋不附焉因刻以殿之
用尉德父之望亦以遂易安之
志云

開禧改元上巳日浚儀趙不譚
師厚父

金石錄余求之三十年不可得

壬辰冬始遇此善本于

京師如獲寶玉然鈔畢略觀一度
其於集古錄正誤最多誠亦精
審已雖然自昔著書家几塵風
葉之喻前後彼此蓋恆有之不
足恠也吾安得歐陽公集古錄
目洪丞相漢隸釋等書悉集於

此而又有閒暇工夫稍盡心焉
亦平生之一適也漫筆之以竢
成化九年二月朔旦吳郡葉仲
盛甫志

余少見此書於吳純甫家至是
始從友人周思仁借鈔復借葉
文莊公家藏本校之觀李易安

所稱其一生辛勤之力頃刻雲
散可以為後人藏書之戒然余
平生無他好獨好書以為適吾
性焉耳不能為後日計也文莊
公書無慮萬卷至今且百年獨
無恙緡閱之餘手跡宛然為之

敬歎

嘉靖三十六年十月既望吳郡

歸有光題

金石錄札記

卷一 目

漢泰山都尉孔宙碑 延熹七年十月一本作八月

漢西嶽華山碑 延熹八年四月一本作七月

漢李翁碑陰 此五瑞碑即刻西狹頌前非碑陰也

漢李翁造郝閣頌 建甯五年三月一本作二月

漢巴郡太守樊君碑 建安十年二月一本作三月

卷二 目

漢趙相邕府君碑 一本作隴

漢永樂少府竇君闕銘 一本作賈君

漢不其令董君闕銘 碑錄云童恢見循吏傳孝靈時人

晉鴻臚成公重墓刻 永甯二年四月一本作二月

後魏齊兗二州刺史傅公碑一本作徐兗

夜郎太守毋稚碑一本作毋

後魏太鴻臚鄭嗣伯碑一本作隋伯 按隋宋諱故

梁許長史舊館壇碑陶弘景撰普通三年正月 按

梁開善寺大法師碑按諸道石刻錄云孫文韜書

後魏兗州太守張猛龍碑按碑額作魯郡太守非兗州

卷三目

北齊郁久閭業碑 天保七年八月一本作五月

後周太學生拓拔府君墓志 武帝保定元年十一月一本無武

帝二字

北齊閻亮造象記 齊武成河清元年九月一本作十九月

北齊權法師碑 河清二年七月一本作九月

北齊邑義人造象記 天統二年七月一本作八月

北齊蒙山碑 天統五年七月一本作三月

隋齊國太夫人楊氏墓志 開皇十年三月一本作二月

隋劉景超造象碑 一本作景韶 一本作景詔

隋驃騎將軍楊端墓志 開皇十五年三月一本作二月

隋啟法寺碑 一本作起法

隋樂州使君江夏公碑 大業二年十月一本作七月

唐衛尉卿竇慶墓志 貞觀五年七月盧按跋尾 作四年

唐正解寺碑 李百藥撰 百均作伯誤下盡同 今按明鈔本改正

隋益州長史裴鏡民碑各本訛唐皆隋臣死王事故貞觀中追立以表

之作唐誤

唐令狐文軌象銘薛純正書各本同按似脫隋字

唐獨孤使君碑按周益公跋此碑題于志

卷四目

唐中書令崔安禮碑校宋光宗諱惇此書出宋版改敦為安避嫌名諱盧本作敦誤

唐國子司業于立政碑陳遺玉八分書一本作義玉

唐劉黑仁等造徘徊碑何義門校改思仁

唐天后少林寺碑校此刻乃天后御製詩碑上應有詩字

唐歐陽詢妻徐夫人墓志鄧挺撰盧本作鄧廷朱本作庭

唐麴君碑盧本作陶

唐介休令張君清德碑 李愿撰一本作李愿

周醴泉縣令張仁蘊德政碑 長壽二年按盧本作三年長壽止一年四月在

未改證聖以前亦書二年三年則決無此事矣此碑顏真卿書是時魯公年尚幼碑或是追書不然則名或誤耳

周冬官尚書李冲墓志 證聖元年三月一本作五月

昇州太子碑下 碑陰薛稷書附前入校語云碑陰乃鍾紹京書非薛稷按今碑尚存

實則鍾薛各半耳

卷五目

周寇法師道德銘 長安三年九月一本作十月

周整法師龍門石龕象碑 范元哲正書各本作袁按類編作范前司刑寺佛

跡碑亦范書

唐澠池縣宗人爲高宗造象碑 神龍元年三月一本作五月

唐贈秦州都督唐宗碑

釋口曠正書

按此與北岳恆山碑一人所書類編作智

曠空格即智字

唐洛陽尉馬克忠碑

景龍三年二月

一本作三月

唐白鶴觀碑

八分書

按此碑尙存是正書非八分也

唐洛州刺史盧公善政頌

蘇說八分書

按說宜作誥

唐司農卿盧萬石碑

先天元年十一月

一本作十月

唐荆王神祠記

先天元年十一月

一本作八月

唐安樂府典軍田敬嗣碑

一本作唐

按前改

唐贈歙州刺史葉慧明碑

按小注碑云兩行似是校語驛入各本無

唐明皇行次成皋詩

艾敘行書

按今碑尙存是史敘非艾敘

卷六

目

唐崔慧爽傳

薛僅撰

一本作瑾

唐代國長公主銘

鄭萬鈞撰并行書

按今碑尚存是正書非行書

唐珪禪師銘

宋儋撰

按盧本儋誤

唐大智禪師碑

嚴復撰

一本作嚴濟

唐館陶令徐君遺愛頌

張孚撰宋瑗八分書

盧本作宋瑗按類編作張

孚受撰朱瑗八分書

唐傳菩薩戒頌

盧本作傅誤

唐內常侍趙泰宗碑

男尚容撰

盧本作內客

唐尚書省郎官廳石記

陳九言撰

今存拓本各本作張誤

唐扶溝令馬光琬頌

崔穎撰

一本作崔顥

卷七目

唐讀樊丞相傳詩

鄭炅之撰胡霈八分書

按盧本有天寶二載四字胡霈

疑是胡霈然

唐李琳碑上

杜混元八分書

按下一千三百十二唐四禪寺萬菩薩像記之林混元疑

是一人類編有四禪寺碑亦作林混元盧本作温必是誤字

唐封孔子弟子詔上

盧本正書有空圍二格一本作紀王正書

唐北齊范陽令宋君碑

郭慎微撰盧本作慎微

唐宰堵波幢銘

薛希昌八分書

一本作希昌

唐太子司議郎王元碑

朱璨八分書

一本作朱璨

唐西河太守劉寂德政頌

孫甫撰

盧本作孫宰

唐康挺告

盧本作康挺

唐金城寺放生池碑

盧本有天寶十載七月六字

唐滎陽王妣朱氏墓志

韓擇木正書

一本作分書

唐贈文部郎中薛悌碑

蘇預撰

按一千三百六十一五原太守郭英奇碑碑亦蘇預

撰似是一人
盧作蘇頌誤

唐宇文顥山陰述

按已見一千三百二十一此重出

唐王公城河中頌

陳翊撰

何氏改作翊

唐宋武受命壇記

陸淙八分書

盧本作宗
某本作深

唐長明燈頌

邵真撰王士則行書

按唐書家有王士則見寶刻類編邵真亦成德

軍判官
同時人

卷八 目

唐崑臺銘

今碑作語

唐河瀆祠碑

王廷昌撰

盧本作廷昌誤

唐崇徽公主手痕詩 李山甫等正書 按山甫唐末人其詩

唐章仇公夫人魏氏墓志 李禎撰 一本李稹

唐李氏移先塋碑 今碑移

唐右堂銘 葉本作石堂

卷九 目

唐工部尚書辛京杲碑 貞元六年六月七日 一本七月

唐新鸛鵲樓記 陳翊撰 一本作陳翊下忠武公將佐略同

唐忠武公將佐略碑 胡証八分書 按各本均作證今狄梁公祠碑尚存作証不誤

叢編亦作証

第一千六百四十五 元闕 按跋尾有唐義興縣

唐彭正傳徐浩碑 盧摭何校 張式撰次子現正書 盧本同按現當

作峴活之子也唐昭義軍節度使王虔休碑靈珍禪師塔銘同

唐送李愿歸盤谷序 正書無姓名一本有韓愈撰三字應從之

唐武甯軍大將新亭記盧本作大將軍新廳記

唐會善寺記一本記作誌

唐王處士引瀑泉記 武少儀撰一本改少微

唐心經 元和二年盧本從錢本改長慶下明州南樓詩同

唐江南西使院小史記盧本去一南字以為衍文按唐節度鎮江南西道非衍也

唐禹穴碑 元禎銘韓杼材行書一本作韓特材按類編亦作杼特字誤清泉寺大藏

經記同

唐衡嶽寺大德瑗公碑 王詡正書一本詡作翊

卷十目

唐四望亭記

正書

今碑尚存是分書非正書

唐寶稱律師塔銘

開成四年七月

一本十一月

唐白蘋洲五亭記

開成四年七月

一本十月

唐常侍裴恭碑

盧述撰

一本作盧術

唐四證堂記

盧本作四證臺記

唐南瀆廣源公碑

大中十二年

盧本十一年

唐楊滌妻張氏墓志

大中十三年

盧本十一年

唐鄭畋謁昇仙太子廟詩

乾符四年閏二月

一本四月

卷十一 跋尾

秦鐘銘

為莊公作也

盧按莊當作共各本俱譌

古器物銘第四

盧本按語別本於此添寫古器物銘第三此本無之足見此本之善

廡銘 狀方而四足

盧本而下有字宋本無

又引墨子

盧本作文引誤

秦鐘銘

秦遂能攻戎

宋本同

逐戎

一本作

毛伯敦銘

原父釋祝下一字為鄭

宋本同盧本祝作足

匱銘

右匱銘

盧本右作又誤

商雒鼎銘

居喪

盧本作君喪

卷十二

跋尾

秦權銘

凡四銘

盧本校云此銘字衍按宋本有銘字

周而復始

宋本同盧本作終而

復始誤

平周金銅鉦銘

銘作正當是金文從省

所謂五年者

宋本有者字盧本脫

谷口銅甬銘

始歐陽公集古錄

宋本有始字盧本脫

卷十三

跋尾

石鼓文 如此鼓及詛楚文 盧本鼓下
衍文字

卷十四 跋尾

漢陽朔塼字 尉府靈壁 據宋本
靈作壺下同 各本

漢居攝墳壇刻石 祝其卿墳壇 盧本其下
衍縣字

漢巴官鐵量銘 各本有此銘王無競見
遺七字宋本無今從之

漢國三老袁君碑 封貴陽侯 後作遺鄉
字缺誤傳寫者不復審爾

漢費亭侯曹騰碑 皇帝若曰 宋本同帝
作后誤

漢祝長嚴訢碑 人物同授 盧本授
作受 伊歎嚴君 盧本歎
作欺

招命道術 盧本招
作昭 舉孝廉 隸釋作
舉廉

卷十五 跋尾

漢孔子廟置卒史碑 卞守 宋本及隸釋均作
卞盧本作下誤 惶恐死罪

宋本同廬本惶作皇又重死罪二字

漢吉成侯州輔碑

水經滄水

廬本上衍雙縣二字此本無與宋本合

漢韓明府孔子廟碑

所謂鹿者禮圖不載莫知為何器

錢穀

鈔本記其上云射禮有鹿中高一尺五寸為鹿形背設圓者御矢恐即枝其有木旁正猶俎豆之為相桓歟

漢州輔墓石獸膊字

膊上

隸釋膊上有左字

持以見寄

廬本持作特

漢丹楊太守郭(亨)碑

下闕一字

按隸續系瘕字

淮夷蠶運

各本誤迪

漢孫叔敖碑陰

可立禋祀

隸釋同各本作碑誤

少子在江陵

隸釋作甯

漢倉頡廟人名

其隸字

宋本同各本作字畫

祓禱候長

隸釋同各本作候誤

漢泰山都尉孔宙碑

宙孔北海父也

廬本作孔宙

漢西嶽華山廟碑

所謂集靈者

宋本同廬本者上有宮字

漢老子銘 古諡法無聃字 按此亦諡曰洞簫之諡人號之為聃以其老爾不謂易名也

卷十六 跋尾

漢車騎將軍馮緄碑 臨當受封以誣言 宋本作謠 各本作謠 史復

拜廷尉 各本同各本 史下有云字 拜屯騎將軍 宋本同盧從何氏据 隸釋改作校尉 按

漢志將軍下有驃騎次車騎無屯騎也 驃騎車騎次公下亦不當復為廷尉

漢金鄉守長侯君碑 霸莽時為隨令 宋本同各 木令作宰 碑以為

諡恐亦非是 按諡亦號也 與諡曰聃同

漢淳于長夏承碑 累葉牧守印紱典據十有餘人 宋本同 盧本紱

綬作

漢武都太守李翁碑 穆如清風 宋本同盧 木作春風

漢成陽靈臺碑 堯母慶都慶都僊歿 宋本同各 木不重 漢書地

理志皆曰成陽

宋本同各本無書字曰作云

東巡狩

各本作守

而述征

云

宋本同各本征下有記字

漢廷尉仲定碑

符節令

宋本與此同各本上有遷字

修完靈臺

宋本同盧

本完作堯

漢桂陽太守周府君頌

而亦不著其名

宋本同各本無亦字

漢石經遺字

據邕傳稱邕以經籍去聖久遠

宋本同各本無稱字

漢庠彰長斷碑

此碑所謂高祖自齊徙臨淄

按隸釋齊下有時字

卷十七 跋尾

漢梁相費汎碑

因以為姓

宋本同盧本以作妣

晉有詩

按費詩蜀志有傳非

晉人也

漢費君碑陰

君暉家中落

宋本同盧本暉作舊

石勛字子才

宋本同盧

本木作石勛字子才葉本作勛
蓋勛字耳隸釋作勛亦誤

漢太尉郭禧碑 返葬故郡 原本作鄉 据隸釋改

漢殺阬君神祠碑 石隄西戎樹谷 宋本同盧 本戎作戊

漢藁長蔡君頌 藁長 宋本同盧本 作藁下同

卷十八 跋尾

漢幽州刺史朱龜碑 蠻夷授手乞降 宋本同盧 本手作首

漢陳君碑 陳國相人 按隸續云陳國有柘 縣趙氏誤柘為相

漢巴郡太守樊君碑 霸佐匡弼 原本作霸伯 据隸釋改 陷附者眾

宋本同蓋言所陷之城所 附之人耳盧本陷作詔誤

漢宗資墓天祿辟邪字 延熹二年 宋本同盧本 作熹平誤

漢高陽令楊君碑陰 其曰白陵圜令 宋本同各 本白作懷

漢司空宗俱碑 自均以下其姓皆當作宗而列傳轉寫為

宋誤也

按右軍臨河敘崇山中一筆穿透至上魯公入關齋肅宗字下亦不作示殆以此傳寫訛爾

漢荊州從事苑君碑

宋本同盧本君作鎮

漢酸棗令劉熊碑

字孟缺一字

宋本同盧本作夾注誤

卷二十 跋尾

魏南郡太守卞統碑

猶有琅邪字尚存

宋本同盧本無尚存二字

魏太僕荀君碑

惟其名字鄉里摩滅不可考矣

按魏志注載荀氏家

傳衍字休若或弟三兄衍子紹位至太僕則此碑為紹立耶

晉南鄉太守司馬整頌

命君南中郎將牧統宛都口

宋本同盧

本牧下衍就字宛下不空格

卷二十一 跋尾

後魏叱閭神寶脩關城銘 官氏志及元和姓纂有叱閭氏

後改爲門

盧本首閭字
即作門誤

後魏安東將軍孫公墓志

詔使加惠號惠蔚法師焉

各本無第

二惠字
似宜有

後魏賀拔岳碑

孝莊而此碑獨作孝壯

按此碑莊與壯通同甚多

卷二十二

跋尾

後周同州刺史普六如忠墓志

都督涇幽雲顯鹽靈等六

州諸軍事

各本作邠誤

北齊馮翊王平等寺碑

高二丈八尺

一本作九尺赤古通用

北齊大安樂寺碑

尉長命傳今碑乃作萇命

按六朝碑中長作萇莊作

壯多通用

卷二十三 跋尾

唐孔子廟堂碑

至文口口

盧本作至宣宗朝

唐杜如晦碑

其祖名果

與新書表傳同別本從北史作杲

唐河間元王碑

戢武之名不見於他書

按玉海載唐實錄太宗與公卿謁見

太上皇於戢武殿置酒為歡乙夜放散賜帛有差明日復置酒於凌煙閣殆戢武與凌煙相接故段志玄碑亦云戢武閣也

獨孤使君碑

而其名不可辨

按周益公跋云名左從言

卷二十四 跋尾

唐于志甯碑

為冠氏長

他本作寇

自中書侍郎遷兵部

他本下有

郎中二字或作侍郎

卷二十五 跋尾

周昇仙太子碑

故武為葺其祠

他本武下有后字其實不增亦可宋人文法如此者

多甚

唐工部尚書姚璿碑

自工部侍郎

顧氏校語云自錢鈔作自俱誤蓋官字也

後周宇文舉碑

其曾孫做追建於神龍中

他本作神龍中其曾孫做追建

卷二十六 跋尾

唐盧懷慎碑

上因游鄆杜北望京闕

他本游作時闕作國

抵其宅

甚陋 他本宅下有室字

唐六公詠

恨不見其詩

盧本詩誤書

唐趙冬曦祭仲山甫文

慕巍巍之盛

他本作魏都

唐屯留令邢義碑

校前目無此碑

卷二十七 跋尾

唐駙馬都尉豆盧建碑

北地王精之後

各本衍入字以北地王精之入後魏

為句按北地王精在燕為慕容麟所殺未入後魏也其五世孫葛始賜姓豆盧氏

高祖勝以皇

始初歸魏

各本皇始上有燕字按皇始魏道武帝二建非燕年號

唐京兆尹鮮于仲通碑

表請國忠兼領劍南節制

盧本作度

新唐書國忠自請兼領劍南與此不同或仲通先表請而國忠再自請歟

及為國忠頌功德

立碑耳

他本立碑在頌功德上

卷二十八

跋尾

唐富平尉顏喬卿碣 家藏漢唐石刻四百卷

盧本脫唐字趙宋時漢石

刻斷無四百卷之理此石即唐碣唐字萬不可去

唐放生池碑陰記

職官之濫

盧本作百官誤

唐康日知墓志

唐書日知傳云祖植開元中為左武威大

將軍而志云祖禕不仕

他本作祖諱石生左
武威據唐書作武衛

卷二十九 跋尾

唐義興縣重脩茶舍記

按前目錄
無此碑

唐顏杲卿碑

髮箱跳而前
明鈔本作跳箱
謝本無箱字

唐般舟和尚碑

按前目錄
無此碑

唐西平王李晟碑

怱應二子
明鈔本
怱作瑟

卷三十 跋尾

唐禮部尚書許康佐碑

嘿然不對
明鈔本盧本
作暗默不對

趙氏金石錄宋本止存十卷

國初為嘉興馮研祥所

得刻一印曰金石錄十卷人家帖尾書頭往往鈐用傳

之藝苑以為美談後流轉於江玉屏阮文達韓小亭最

後歸潘文勤公鄭盦文勤師嘗出以相眎推爲天壤間
驚人祕笈今尚在仲午比部所至舊鈔不乏流傳之本
大半出於明葉文莊所藏至刻本向推雅雨堂盧校爲
最精而三長物齋等刻不足道矣一日二楞觀察手一
編示余鈔手極舊書籤題云津逮祕書人皆訝其不符
余笑而應之曰不觀津逮祕書目第六集金石錄未刊
卽此書也首有劉跂序明誠自序後有李易安後序開
禧趙不讒跋明葉仲盛跋歸有光跋跳行空格均據宋
本其閒黏籤甚多大半據盧本以校本書之誤閒有兩
通之字亦備列焉爰借吾友章碩卿大令藏校宋十卷
本並自藏明鈔校本成札記一卷雖未能全見宋刻然

似可與雅雨堂本相韻頡矣光緒乙巳清明後六日江

陰繆荃孫撰

今存碑目

吉日癸巳字

石鼓文

秦泰山刻石

秦琅邪臺刻石

秦嶧山刻石 宋重刻本

漢居攝墳壇刻石二

漢南武陽功曹闕銘

漢南武陽功曹墓闕銘

漢王稚子闕銘

漢北海相景君碑

漢敦煌長史武班碑

漢武氏石闕記

漢司隸楊厥開石門頌

漢孔子廟置卒史碑

漢孔德讓碣

漢孔君墓碣

漢韓明府孔子廟碑

漢郎中鄭君碑

漢冀州刺史王純碑

拓本

漢倉頡廟人名

漢桐柏廟碑

元重刻本

漢泰山都尉孔宙碑

漢西嶽華山碑

拓本

漢車騎將軍馮緄碑

宋重刻本

漢魯相史晨孔子廟碑

漢竹邑侯相張壽碑

漢史晨孔子廟碑

漢柳孝廉碑

拓本

漢衛尉卿衡方碑

漢沛相楊君碑

拓本

漢涪于長夏承碑

拓本

漢武都太守李翁碑

漢博陵太守孔彪碑

漢李翕造郿閣頌

漢成陽靈臺碑 拓本

漢司隸校尉魯峻碑

漢(之)儒先生碑 拓本

漢石經遺字 拓本

漢堂谿典嵩高山石闕銘

漢倉頡廟碑

漢三公碑

漢涼州刺史魏君碑 拓本

漢白石神君碑

漢幽州刺史朱龜碑 拓本

漢尉氏令鄭君碑

漢趙相劉衡碑 存額

漢小黃門譙君碑 拓本

漢圉令趙君碑 拓本

漢巴郡太守樊君碑

漢太尉楊震碑 拓本

漢高陽令楊君碑 拓本

漢光祿勳劉曜碑

漢執金吾丞武榮碑

漢酸棗令劉熊碑 拓本

漢益州太守楊宗墓闕銘

漢魯相謁孔子廟碑

漢武氏石室畫像一

漢戚伯著碑

拓本

仙人唐君碑

四皓神位刻石

拓本

魏受禪表

魏百官公卿奏

魏孔子廟碑

魏范式碑

吳九真太守谷府君碑

吳禪國山碑

晉太公碑

晉蘭亭序

帖本

晉樂毅論

帖本

後魏中嶽碑

後魏造三級浮圖碑

後魏孝文帝比干文

後魏鄭義碑

後魏鄭義上碑

後魏鄭道昭登雲峰山詩

後魏天柱山東堪石室銘

後魏兗州賈使君碑

梁許長史舊館壇記 拓本

後魏兗州太守張猛龍碑

東魏大覺寺碑 存額

東魏高翻碑

東魏孔子廟碑

後魏松滋公興溫泉頌

北齊夫子廟碑

北齊雲峰山題記

北齊天柱山銘

後周華嶽廟碑

相一廬朱氏臆餘叢書

北齊隴東王感孝頌

北齊唐邕造像碑

北齊馮翊王平等寺碑

北齊臨淮王像碑

北齊白長命碑 拓本

北齊邱珍碑

隋老子廟碑

隋龍藏寺碑

隋正解寺造像碑

隋李氏像碑

隋梁州使君陳茂碑

隋舍利寶塔下銘

隋啟法寺碑

拓本

隋栖巖道場舍利塔碑

隋孔子廟碑

隋屯衛大將軍姚辯墓誌

重刻本

隋滏山石窟碑

唐太宗賜少林寺教書

唐宗聖觀碑

唐孔子廟堂碑

唐幽州昭仁寺碑

唐等慈寺碑

唐徐州都督房彥謙碑

唐化度寺邕禪師塔銘 拓本

唐九成宮醴泉銘

隋益州長史裴鏡民碑

唐右僕射溫彥博墓誌 拓本

唐三龕碑

唐孟法師碑 拓本

唐段志玄碑

唐贈比干詔 元刻本

唐晉祠銘

唐孔穎達碑

唐晉州刺史裴府君碑

隋皇甫誕碑

唐益州學館廟堂記

唐光祿大夫豆盧寬碑

唐房仁裕母李夫人碑

唐三藏聖教序

唐萬年宮銘

唐薛收碑

唐中書令崔安禮碑

唐散騎常侍張後肩碑

唐李靖碑

唐尉遲敬德碑

唐紀功碑

唐蘭陵長公主碑

唐三藏聖教序并記

唐道因法師碑

唐清河公主碑

唐小字登封紀號文

唐于志甯碑

唐紀國先妃陸氏碑

唐孔宣尼碑

唐淄川公李孝同碑

唐碧落碑

唐三藏聖教序并述聖記

唐金剛經

唐馬周碑

唐阿史那忠碑

唐明徵君碑

唐李勣碑

唐開業寺李公碑

唐褚亮碑

唐述聖紀

唐美原神泉詩序

唐八都壇神君實錄

唐奉先觀老君像碑

周邛州刺史狄知慈碑

周乙速孤府君碑

周昇仙太子碑

周明堂令于大猷碑

周懷州大雲寺碑

周紀信碑

周棲巖寺詩

周宴石淙序

周石淙詩

唐白鶴觀碑

唐景龍觀鐘銘

唐雋州都督姚懿碑

唐光祿少卿姚彝碑

唐贈歙州刺史葉慧明碑 拓本

唐楊元琰碑

唐鬱林觀東崑壁記

唐孔子廟碑

唐玄元觀尹尊師碑

唐李思訓碑

唐莎羅樹碑

帖本

唐御史臺精舍碑

唐涼國長公主碑

唐鄭司農碑 金重刻本

唐乙速孤行儼碑

唐明皇行次成臯詩

唐紀太山銘

唐北嶽碑

唐龍角山紀聖銘

唐麓山寺碑

唐大忍寺門樓碑 拓本

唐代國長公主碑

唐謁郭巨祠堂記

唐大智禪師碑

唐尉遲迴廟碑

唐任城縣橋亭記

唐易州鐵像頌

唐易州刺史田仁琬德政碑

唐唐儉碑

唐安公美政頌

唐夢真容碑

唐石壁寺鐵彌勒像頌

唐尚書省郎官廳石記

唐述聖頌

唐雲麾將軍李秀碑

唐大照禪師碑

唐充公頌

唐韓賞祭華嶽文

唐靈巖寺頌

唐金錄齋頌

唐嵩陽觀紀聖德頌

唐明皇注孝經

唐安天王碑陰

唐多寶塔感應碑

唐武部尙書楊珣碑

唐東方朔畫贊

唐雲門山投龍詩

唐金天王題名

唐城隍神祠記

唐離堆記

唐贈太保郭敬之廟碑

唐太尉李光弼碑

唐怡亭銘

唐浯臺銘

唐李氏移先塋碑

唐李氏三墳記

唐大證禪師碑

唐贈揚州都督段府君碑

唐龔正令庾公德政碑 金刻本

唐麻姑仙壇記 重刻本

唐小字麻姑仙壇記 帖本

唐中興頌

唐^玄靖先生碑 拓本

唐宋璟碑

唐般若臺銘

唐八關齋會記

唐黃石公祠記

唐干祿字書模本

唐乞題放生池碑額表

唐滑臺新驛記

拓本

唐贈兵部尚書王忠嗣碑

唐(之)靖李先生碑

碎石

唐鮮于氏里門記

唐慧解寺三門樓讚

唐重修延陵季子廟記

唐重撫延陵季子墓刻

唐臧懷恪碑

唐元結碑

唐顏魯公與郭僕射書

帖本

唐張九齡碑

唐顏氏家廟碑

唐三藏和尚不空碑

唐李公楙功昭德頌

唐姜嫄公劉廟碑

唐茶山詩并詩述

唐軒轅鑄鼎原碑

唐會善寺戒壇記

唐鹽池靈應公神祠碑

唐彭王傅徐浩碑

唐焦旣碑

唐韋臯紀功德碑

唐楚金禪師碑

唐晉祠新松記

唐乘廣禪師碑

唐左拾遺竇叔向碑

唐徐州使院石柱記

唐南海神廟碑

唐贈太保李良臣碑

唐絳守居園池碑

宋重刻本

唐修浯溪記

唐平西王李晟碑

唐處州孔子廟碑

唐育王山常住田碑

唐義陽郡王苻璘碑

唐修龍宮寺碑

唐黃公記

唐太子太傅劉沔碑

唐魏公暮先廟碑

唐吏部尚書高元裕碑

唐重陽亭銘

唐圭峰禪師碑

唐鄭畋謁昇仙太子廟碑

唐瘞鶴銘

唐柘城令李公德政頌

唐題阮客舊居詩

唐楠木詩

唐嚴武題龍日寺西龕石壁詩

唐皇甫湜浯溪詩

歸來堂中二千卷今石止存二百餘煙雲過眼易磨滅
可憐石壽不如書

本朝金石分兩派蘭泉覃谿稱大師若論著述分軒輊

結一廬朱氏贍餘書

德父終勝黃伯思

荃孫輯畢復題二絕